



增田 貢著  
 清史學要  
 五

柳田文庫  
 文庫11  
 A1670  
 5



明 治 十 年 四 月

增田貢著

文庫11  
A1670  
5

二帙

# 清史監要

龜谷行校閱 東京

光風社  
萬青堂

柳田泉文庫



楊州陷復  
世焜  
祥厚

清史攬要卷之五

文宗皇帝 下

大日本 東京 增田 貢著

丙申六年。賊陷楊州城。提督鄧紹良赴援復之。

瓜州鎮江賊。相合攻揚州。破之。知府世焜。參將祥林。力戰陣亡。詔鄧紹良。援揚州。紹良冒大雨渡江。率精銳。環攻六晝夜。親奮勇先登。及堞而墜者數回。遂拔之。

太子太保致仕湯金釗卒。

清史攬要 卷之五 咸豐 萬青堂

湯金釗  
鹿鳴宴

寫二百字

三捷

湯金釗品行端正。宣宗季年。恩眷彌篤。帝御極之四年。重赴鹿鳴宴。加太子太保。並賜御書扁額。兩朝禮遇之盛。罕有倫比。自七十五歲後。每日晨起。寫經書二百字。十三經皆滿。卒年八十四。知府江忠濟。與賊戰。通城軍敗死之。先是江忠濟堵勦粵寇。破賊於藍山。再破之於嘉禾。三破之於寧遠。連復三城。殺二千人。移軍勦通城。至則召團勇千餘人。助聲威。出其不意。破四營。賊數萬人。悉銳來。四面環攻。忠濟落圍中。眾勸退。忠濟叱斥。戰益烈。賊從後營入。團兵驚散。忠濟手

江忠濟戰  
死  
三千人  
不降

羅澤南戰  
死

及退者數人。策馬突陣。力竭死之。勇兵三千。戰死幾盡。無一降者。詔贈按察使銜。賜卹典。忠濟忠源弟。忠勇敢戰。兄弟前後殉難。天下壯之。布政使羅澤南。破賊武昌。中礮死之。羅澤南攻武昌。屯洪山。賊乘夜襲之。營兵築石投之。登者皆殪。嗣後每夕必至。澤南設伏破之。賊不復犯。澤南欲扼窯灣。賊出爭。大戰小龜山。斬七百人。賊又出萬人突陣。澤南力戰。殺數百人。追至城下。賊又乘霧出城。澤南搏戰走之。會守壘兵少。賊伺之大舉來犯。澤南擊破之。再追至城。偶礮丸中

羅澤南遺命

究濂洛

二百餘戰

制敵如大學

左氏注脚書生拒巨寇

額而氣益振。屢劊力戰。歸營劇甚。臨死握胡林翼手曰。武漢未克。江西復危。不能兩顧。死何足惜。恨事未了耳。其與迪庵好為之。迪庵李續賓字也。語畢而瞑。澤南湖西湘鄉人。質樸深沈。究心濂洛之書。通知世務。期見諸施行。在軍毅然。以滅賊自任。所部將弁。皆其鄉黨信從。故所向有功。前後克城二十。大小二百餘戰。其臨陣。以堅忍勝。如其為學。或問制敵之道。曰無他。觀大學知止數語盡之矣。左氏再衰三竭之言。其注脚也。此其所以能以書生摧巨寇。率生徒數十人。轉戰大江南北。湘勇之

武昌捷 江西無完土

名大震也。清初所用皆八旗及東三省兵。各直省綠旗兵。嘉慶初平定川楚教匪。始以鄉勇輔兵之不足。然十裁二三耳。迨粵逆起。而楚勇湘勇名天下。營兵反為世詬病。此兵制之一變也。而楚勇始自江忠源。湘勇則自羅澤南始。巡撫胡林翼與石達開戰武昌。大破之。石達開入江西。連陷瑞州臨江。南出吉安。東趨撫州建昌。江西無完土。警報日急。胡林翼念武昌猝不可復。乃遣劉騰鴻普承堯出瑞州應援。而令曾國華統其軍。古隆賢率萬人來援武昌。約城中舉

舉火破賊

舒保公

遂為識。夾攻官軍。林翼謀知。佯舉火。城賊為信。果出。陷伏而大敗。林翼返擊隆賢。又破之。達開自金陵來援。眾蹄十萬。林翼分水陸力戰。會都統舒保公馬隊至。俱擊大破之。焚東湖船七十。平其八十壘。時武昌賊大窘。林翼與續賓穿濠固守。以待賊糧之竭。

江蘓巡撫吉爾杭阿攻金陵。力戰死之。

吉爾杭阿

吉爾杭阿至鎮江。慨然謂曰。攻堅不如斷糧。因據高資之餉道。金陵賊大恐。數萬人盡銳來戰。知縣松壽歿于陣。吉爾杭阿所率不過萬人。或說曰。賊

松壽

綏瀾

江南官陷

爭糧。生死所關。故銳鋒不可當。姑避往鎮江。彼喜獲餉。必不相迫。吉爾杭阿嘆曰。我一部郎。不數年。位開府。仗節麾。受國恩厚矣。今戰而勝。賊糧必斷。巢穴可覆。遂率親兵。馳衝高資營。賊眾合圍。吉爾杭阿血戰死。副都統綏瀾哭曰。吾與吉公偕來。公已死。吾何忍獨生。亦投江死。

賊陷江南大營。欽差大臣向榮敗退丹陽。

向榮聞高資之敗。遣張國樞馳援。三戰三克。賊走回金陵。議大舉。於是鎮江溧水賊均合突大營。榮兵力寡單。不能禦。金陵賊亦出。焚七橋甕營。國樞

保丹陽

苦戰潰圍走。榮收散卒，退保丹陽。

彭玉麟

摠兵彭玉麟敗賊復南康府。南康外接大江，內控翻陽湖，為水路衝要。曾國藩遣彭玉麟攻之，連勝。焚戰艦積聚，賊棄城走，遂復南康。

官文  
都興阿

石達開入漢陽，欽差官文等合擊破之。

石達開怒樊口敗，入漢陽鎮。官文使都興阿等合勦破之，盡毀黃州壘，而武漢之敗，死守不下。官文與胡林翼分南北岸，逐日攻逼，大小數十戰皆勝。賊犯丹陽，提督張國樞迎戰破之。

張國樞  
諸將  
向榮病

賊衆勝攻丹陽，向榮憂憤病轉篤。張國樞勸諸將曰：主帥病危，衆皆驕怠，諸君如舍生努力，必能取捷。諸將皆諾，乃偕出戰，果大破賊，斬數千人。

總兵劉騰鴻與韋昌輝戰瑞州破之。

劉騰鴻  
瑞州捷

曾國藩劉騰鴻率楚勇復咸寧等六縣，又攻瑞州。曾國藩亦發兵合勦，拔南城。韋昌輝來援挑戰，騰鴻從北岸，騎其後，南城兵角其前，大破之。江右軍始振。

欽差大臣向榮卒于丹陽軍。

賊數犯丹陽，勢甚熾，或勸向榮避其鋒。榮太息曰：

向榮卒

才足辨賊

吾病不能進。何顏更走。當死於此耳。遂以軍事付張國樑。曰：卿才足辨賊。吾死何憾。復躍起疾呼曰：終負朝恩。一慟而絕。榮自道光三十年勦賊。追至金陵。大小千百戰。竟以積勞病殞。

千百戰

賊犯瑞河口。道員劉于淳擊破之。

劉于淳

賊陷吉袁瑞臨諸府。大修戰船。抵瑞河口。道員劉于淳焚其船破之。賊又來犯。于淳以劈山礮破之。遂復靖安安義。

劈山礮

江南提督和春攻三河賊。大破之。參將程智泉戰死。賊據三河未下。和春督諸軍夜擊燒營。雲梯登城。

和春

程智泉

立拔之。賊敗逃巢湖。又追焚其船。斃八十人。禽十一首。皖軍之功。以此役為第一。唯參將程智泉驍勇敢戰。深入而歿于陣。皖軍尋又取無為州。

邊錢會

邊錢會賊圍廣信城。江西巡撫沈葆楨拒戰破之。

沈葆楨  
廣信城守

江西建昌府有邊錢會者。以錢塗硃。描金為飾。以煽惑愚民。屢禁不已。徒眾蔓延。遂結粵賊入南豐。連陷新城瀘溪。遂圍廣信。沈葆楨時籌糧于河口。鎮間變軍騎馳還。則賊已迫城。吏民盡散。葆楨徒步登陴。區處妻林氏為林則徐之女。同在危城。躬汲爨。以餉士卒。軍皆感奮。葆楨閉門擊賊。斬三千。

林氏

躬汲爨

賊賀向榮死

餘人斃其渠首。餘黨潰散。郡境肅清。

賊首相殺

韋昌輝殺楊秀清。而為洪秀全所殺。向榮已死。金陵賊首相慶。揚秀清素以洪秀全為贅疣。至是陰有自立意。乃令其下呼以萬歲。秀全趣召韋昌輝石達開。密圖除之。昌輝先至。秀清招之與飲。昌輝戒備以往。酒酣。昌輝抽刀刺秀清胸。割而烹食。盡殺其黨羽。達開後至。責其殘酷。昌輝怒將供圖之。達開避城夜遁。昌輝悉殺其母妻子。女秀全益懼。乃密與秀清餘黨謀。攻昌輝。執而磔之。悉殺其族。時達開在安慶。乃傳昌輝首示之。達

李元度  
李源恩

開始回。而秀全忌之。因避皖城。不復還。同知李元度林源恩。攻宜黃崇仁賊。破之。李元度林源恩。率江楚兩軍。轉戰建撫間。大小數十戰。賊未平。或說曰。宜黃崇仁。撫建之賊衝也。欲斷建昌。莫如取宜黃。欲斷撫州。莫如取崇仁。二人善之。先攻宜黃。破之。次取崇仁。賊逃入臨江。江南軍亦破句容溧水賊。

編修李鴻章破賊。復巢縣城。

李鴻章督吉順嵩于昌麟等。勦巢縣賊。攻西北門。鄭魁士攻南門。被砲傷。猶力戰。城遂陷。湖中賊來

吉順嵩  
于昌麟  
鄭魁士



援。鴻章等復戰。斬七千人。江西劉于淳一軍亦克新淦。楚南軍復分宜袁州。

欽差官文大舉復漢陽。巡撫胡林翼平武昌。會古文新。

武昌漢陽同日克復

先是襄陽土寇朱中瑞黃宜中煽飢民為亂。焚樊城。破鄧州。隋州土寇趙邦壁亦侵擾郡縣。時官文分楚軍勦之。故武漢二城之賊得延殘喘。於是襄樊平。乃大舉攻武漢。官文胡林翼督戰益急。漢陽地接荆襄。外江內湖。為武昌屏蔽。賊陷武昌。自漢陽始。克漢陽。則武昌自復。以是官文自督諸將圍

王國才楊昌泗蛇行避丸

漢陽。臬司李孟群。總兵王國才楊昌泗架梯攻城。

馬隊舟師盡會之。賊砲子兩落。兵勇蛇行而進。數伏歎起。賊砲不能傷。昌泗孟群斬關而入。諸軍鼓

橫江鐵鎖

勇畢登。殺七千人。餘賊爭渡者。水師殲之。浮尸蔽江而下。是日胡林翼等攻武昌。水師斷橫江鐵鎖。陸軍攀援登城。賊失守。分七隊突門而出。諸軍環擊。殲萬餘人。會古文新等二城同日而克復。

曾國荃

浙江巡撫曾國荃破賊。復安福縣。楚軍拔袁州。進勦吉安府。恐安福賊襲其後。曾國荃急攻之。斬驍悍數千人。守備劉之能等亦破其

劉之能

伏賊遂復縣城。

臨沅都司畢金科與賊戰陶溪大破之。

饒州近翻陽湖常被侵掠防饒者雲南畢金科勇而有謀謂都司林保曰吾以二千守此賊來者殆萬人豈可以力敵邪非出奇難取勝乃設伏陶溪渡前隊迎賊佯卻賊爭追之後隊橫截為兩金科居中策馬奮突所當披靡鏖戰至渡左右伏起大破賊斬千餘人追至翻陽連戰皆克饒州始安金科後攻景德鎮而死之。

侍郎曾國藩援南昌至九江勞軍。

畢金科  
陶溪捷

曾國藩勞軍

懸金待炊

張金壁

李續賓  
李能通

鄞州大捷

江西自五年饒廣告陷賊悉眾據湖南水師分為外江內湖隔絕不通烽火逼省垣曾國藩以為省會者百城所矚無南昌是無江西也遂勒水陸軍兼程赴援且整舟師徐圖大舉時章門官私交迫戰士懸金待炊岌岌不終日國藩至則調餉轉糧人心始定連戰復南康袁州國藩無復西顧憂乃至九江勞軍使千總張金壁赴建昌破德安賊李續賓李能通等又破瑞昌賊。

巡撫胡林翼與陳玉成戰鄞州大破之。

陳玉成自皖北犯鄞州破諸營武昌大振胡林翼

聞警。急渡江赴黃州。收潰卒。得數千人。賊十餘萬。環巴河。連壘亘數十里。時巴水暴漲。惟三台河有橋。林翼圖賊渡河蔓延。急使千人扼橋。潛師出龍山。與諸軍合擊于馬家渡。大破之。遂平鄆黃。

梅花洲捷

按察使李續賓與賊戰梅花洲。大破之。先是賊掠江西。舟沈塞湖口。為浮梁鐵鎖。築城于梅花洲。環礮嚴守。官軍仰攻不利。退入內湖。曾國藩益治水軍于章門。令彭玉麟統領。軍勢復振。袁吉瑞臨。以次皆復。衆議會勦九江。李續賓謂九江賊與湖口犄角。湖口不拔。九江不可取也。乃決策。

李續賓獻策

李續宜

黃登升

楊岳斌

楚軍昭忠祠

水陸攻湖口。續賓又令弟續宜率馬步軍攻梅花洲。自率師揚言攻宿松。而伏于湖口山後。士皆捫蘿上。黎明玉麟襲湖東。游擊黃登升擊梅花洲。皆用水師。提督楊岳斌迫石鐘山。賊方悉銳防戰。續賓伏發。從山頂下擊。賊兵大敗。梅花洲賊亦棄城走。於是內外水師始通。會勦取彭澤。衆勝拔姑狀城。續賓以功除浙江布政使。此役也。水師血戰。死傷亦多。故得大捷。事平之後。曾國藩請朝。立楚軍昭忠祠于石鐘山。歲時祭之。

丁巳七年。提督張國樑與賊戰。勾容破之。

勾容捷

自江南大營退丹陽。賊據句容。竊發四掠。張國樞分兵應援。自提勁銳。間道突句容。放火城外。奮戰斬數千人。賊怖不復出。楚南軍亦復奉新縣。侍郎曾國藩以喪解任。總兵楊載福等代領其軍。

曾國藩長  
楊載福

武昌陷也。曾國藩留羅澤南攻九江。使彭玉麟援鄂州。及石達開連破諸郡。又使玉麟赴援。時湖北道梗。玉麟易服為賈客。間關千里。達大營。乃率其軍轉戰破賊。會楊載福統水軍。至九江。而國藩適丁父艱。乞假歸鄉。帝使其弟國華承後務。加提督銜。又使楊載福代領其軍。

易賈服

曾國華

魯占鰲

李定泰

副將李定泰魯占鰲擊賊溧水。大破之。金陵安慶賊據鄔山為援。和春使副將魯占鰲擊破之。賊又渡河結壘。副將李定泰縱火焚之。橫尸徧野。又合兵攻溧水。斬三千人。賊圍壽州。道員金光筋擊走之。

古壽春  
金光筋

壽州古壽春城。淮南之要勝也。故常屯重兵鎮守。賊來欲奪之。金光筋募死士。縋城斫營。斬驍悍二十人。賊復來爭。再戰走之。斃千餘人。自是賊怖不敢近壽州。光筋勇敢素著。屢立戰功。後改正陽關。河流迅急。船覆而死。同時浙軍復安徽婺源。參將

師長鑣

師長鑣戰死。江西軍亦破賊撫州。

多隆阿

都統多隆阿等與賊戰楓樹坳破之。先是賊突黃梅騎隊千餘奮騰無前。官軍發連環

連環槍

槍破之。賊又突皖北壽春總兵鄭魁士兵潰桐城。賊進取小池口。鮑超攻城西牽制賊勢而多隆阿

傳振邦

王國才分路攻段窰楓樹坳斬千餘人。揚州軍亦大捷瓜州。楚軍復英山縣。

噴火

總兵傳振邦副將帝坤元破賊復溧水城。賊壘數十列鄔山抗守。傳振邦環擊以次平之。遂攻溧水。噴火投城。城中潰亂。虎坤元突破登門斬

王河捷  
李續宜

賊入穀中

驍首諸軍奮戰斬六千人。城遂陷。楚軍別與賊二十六戰。賊七千人。江南軍亦復句容城。總兵鮑超擊賊大克于王家河。知府李續宜又戰黃岡大破之。

鮑超與賊戰王家河斬五千人。水為之赤。賊又據黃岡蕪水之衝。知府李續宜五路軍皆捷。陣斬溺斃凡三千餘人。蕪黃路通。江楚軍取瑞州。而賊勢未衰。續宜自請擊。胡林翼壯之。令統十二營軍進勦。賊軍適大至。續宜望曰。賊入我穀中。彼弱者當我強。而強者當我弱。能先勝其左。則右亦不支。然

黃岡大捷

後合力中軍。成功必矣。乃密分勁兵。單山襲後。而自領中軍。偃旗息鼓。突騎出不意。擊其前。左路之賊果潰。我左營與中軍合。遂克中路。唐道訓等攻右營。賊又走。鏖戰過晡。三路之賊皆敗。氣勢始衰。楚軍亦破小池口。全楚平定。

總兵吉順破賊廬州。總兵鄭魁士又破之於巢湖。

吉順  
鄭魁士

楚之敗賊回皖城。合河南賊攻廬州。總兵吉順力戰破之。殪三千人。總兵鄭魁士輕舟順風。擊賊巢湖。焚十餘艦。楚南軍亦復彭澤。江西軍克鎮江。總兵李成謀火攻大破陳玉成。

李成謀

陳賊敗

功速而偉

陳玉成率數百艦。乘風入華陽鎮。李成謀旬日轉戰。及千餘里。取望江。銅陵。東流三城。賊又築二城。諸軍不能拔。成謀前驅薄擊。投火彈。適中賊藥。城牆迸裂。烈焰騰空。諸隊突入。斬芟殆盡。其功速而偉者。最推此戰。揚州軍亦復瓜州。江南軍平鎮江城。

江西賊犯太湖。都統多隆阿。知府李續宜等迎戰破之。

太湖捷

江西賊數萬。犯太湖。多隆阿鮑超迎戰。斬四千人。李續宜彭玉麟等。水陸互擊。又殪六千人。江西賊

勢為之大挫。而皖賊猶熾。遂陷霍山。旋即收復。楚軍亦復臨江府。

我橋敗

鄧紹良殉

浙江提督鄧紹良大破黃池賊。再戰我橋。軍敗死之。黃池賊三路來犯。鄧紹良迎戰破之。時別賊攻浙江太急。紹良分兵應援。賊伺虛。俄突我橋。紹良腹背受敵。會援軍至者亦敗。賊軍四面陵騰。勢不可制。紹良整衣冠向北再拜。自焚營而死。浙江遂不可支。

捕人英船  
葉名琛

廣東吏捕人英船。英領事巴篤斯發兵焚省城。時葉名琛為廣東總督。其府吏往捕廣民犯令私

巴篤斯  
償金約和

兵再結

官文

殺英船者十二人。英人拒之。吏怒焚英館。英領事巴篤斯發兵陷黃埔諸砦。遂焚省城。廷議遣官出償金。與英人和。兵姑罷。明年廣人復掠英之商船。領事訴之。府吏輕視。不治犯人。領事怒。復攻廣東諸砦。自是兩國兵結不解者連年。皖城賊犯蘄州。欽差大臣官文迎戰破之。

皖賊八萬。乘官軍迎新年。襲蘄州。官文豫度有此謀。設備待之。至賊至。一戰卻之。賊轉犯荆橋。多隆阿擊走之。楚軍亦大捷。復安徽英山。戊午八年。英人引佛人攻廣東。轉入天津。

英佛入天津 穆親王

英佛二國協議攻廣東轉入北河破諸砦直入天津帝患其擣北京命穆親王至天津以視事英佛偕請曰開諸港互市弘耶蘓教留公使于北京穆親王錄其所請還而以聞於是二國兵引去明年二國使臣至天津問去年所約之事進船入北河守兵礮擊殺數十人使臣以事出不意僅以身免欽差大臣和春提督張國樑攻洪秀全于金陵大破之

擊英佛之使

和春 金陵一捷

和春張國樑進圍金陵攻克秣陵關關為金陵南面外蔽守備太堅官軍渡河擊平黃泥壘壘直斬

八賊窟穴

關入敵六千人賊閉城不敢出時石達開在蜀揚輔清竄閩林紹璋敗于湘潭韋志俊被忌家居林啓榮被圍於九江黃文金坐困於湖口張朝爵陳得才孤守皖城但以金陵舊窰賊糧饒足而上游諸州為賊所據呼吸可通聲援遙應故賊雖危蹙而未蹙也

舒保

副都統舒保與賊戰麻城破之賊敗于河南兼行襲麻城舒保倍道回援則城已陷乃擊破南路賊布政使李續賓摠兵彭玉麟克九江斬林啓榮



清史稿卷之五十五 萬曆帝本紀五

九江捷

官文勳將士

礮林李二賊

金陵二捷

兩花臺

林啓榮據九江已十年。官軍取彭澤湖口。摧其羽翼。得專力九江。賊百計死守。官軍環攻穿城。賊以火器力拒。先登將士多死傷。官文為書獎勵將士。皆感泣思奮。李續賓彭玉麟率十六軍水陸進攻。發地雷。磚石飛翻。城崩百餘丈。諸軍奮登。聲動天地。賊死者一萬七千人。積尸填巷。流血成渠。礮林啓榮李興隆之敵。楚軍亦破麻城賊。殺五千人。欽差大臣和春與洪秀全戰於兩花臺破之。洪秀全伺官軍之懈。悉眾衝突。真一勝以解圍。而兩花臺形勝尤絕。勢所必爭。和春偵知其情。使總

李若琳

富慶阿

陳維漢

劉坤一

白鷺洲

曾國藩起復保泰

兵李若琳伏兵於慈湖銅井二路。自與張國樑更番警巡。賊果自兩花臺攻營大敗。死者千餘人。皖賊為聲援者。為總兵富慶阿所破。死者殆七千。賊入福建者。知府陳維漢破之。江西巡撫劉坤一與賊戰撫州破之。劉坤一等攻撫州斬數千人。樂安宜黃南豐建昌相繼收復。曾國荃破賊于白鷺洲。又克吉水萬安。皖賊犯蘄州者。楚軍擊破之。起復侍郎曾國藩往浙江辦理軍務。江西賊犯閩境。陷章武等處。按察使保泰移其軍

清史稿

卷之五十五

十六

萬曆帝本紀五

金陵賊衰

顧飛熊

金陵三捷

吳全美

張玉良  
馮子材

建寧防賊。而金陵賊勢漸蹙。力圖外擾。真官軍分  
援勢離。詔起復曾國藩。辦理軍務。時浙軍屢報捷。  
賊入閩境者亦敗。參將顧飛熊等克於浦城光澤。  
江西軍亦破常山賊。

欽差大臣和春大破洪秀全於金陵。

李秀成取來安據之。圖為江南北之聲勢。和春遣  
將一戰復之。洪秀全愈危困。欲潰圍而走。和春圖  
剪其翼。命總兵吳全美攻破我橋魯港。斬二千人。  
秀全忿恚。出兵于神策太平兩門。分犯大營。副將  
張玉良馮子材陷陣寨旗。馘驍賊數人。賊大敗。自

鞠殿華

援建寧

晏瑞書

金陵長圍

龍脖子。至莫愁湖。尸積如丘。和春復攻金川門。破  
城外之壘。浙江軍亦復壽昌。揚州總兵鞠殿華等。  
大破賊于九洑州。

賊圍建寧府。侍郎曾國藩出師援之。

閩賊蔓延猖獗。所克復諸城多陷。賊衆勝取崇安。  
建陽。進圍建寧府。浙江巡撫晏瑞書檄諸將赴援。  
曾國藩奉命援閩省。自鉛山進軍。聲威大振。賊有  
懼心。

提督張國樞攻金陵賊破之。

官軍築長圍于金陵城外。穿山越水。屹如長城。周

攻金川門

回至百餘里。復連船為水營。城賊益窘。秀全悉眾突出。欲潰圍走。張國樑令南北軍分攻太平金川兩門。東西軍各擣雨花臺。國樑策馬先。前諸軍奮戰。斃千餘人。

皖賊復陷廬州。總兵蕭開甲。知府武成功死之。

廬州陷  
蕭開甲  
武成功

賊據三河。伺廬城。巡撫福某。以師老無功。召入京。以都統勝保。代替督軍。行未至。賊乘虛攻廬州。蕭開甲武成功。提兵堵禦。眾寡不敵。皆血戰而死。

閩賊圍玉山。守備彭大壽擊破之。

彭大壽

閩賊敗于建陽。圍玉山縣。守備彭大壽。屢出戰。破

拔吉安

安仁捷  
張運蘭

之。賊始越嶺而去。松溪寧化賊。亦為福建軍所破。龍泉浦城賊。受浙東之勦而敗。知府曾國荃。取吉安。誅李雅鳳。

江西漸平。惟吉安孤城死守。曾國荃連戰。拔府城。禽李雅鳳等。誅之。楚軍亦攻安徽大湖。而復之。

侍郎曾國藩。使道員張運蘭。大破賊于安仁。

曾國藩。援閩未至。賊望風走。江西據安仁。國藩親率所部。移屯弋陽。斷走路。攻安仁。張運蘭登城。放火。水師自河面礮擊破之。斃四千人。

陳玉成復陷揚州城。

浦口敗  
孔繼錄  
宣維祜  
陳昇  
富明阿  
詹起綸

揚城陷

揚城復

陳玉成自上游犯浦口。鞠殿華迎擊敗績。和春使馮子材率六千人來援。賊分兵血戰。勢益熾。沿河百餘壘。望風齊潰。同知孔繼錄。知府宣維祜。副將陳昇。均陣亡。江浦天長隨陷。賊遂襲揚州。總兵富明阿守備詹起綸。殊死防戰。賊軍益至。遂失守。賊入城掠輜重。盡運送鎮江。提督張國樑破賊復揚州城。揚州賊犯邵伯。警報日急。張國樑領大軍。夜選精銳攻城。賊出戰敗退。忽有悍賊出北門掠陣。國樑飛馬迎擊破之。遂復府城。

六合城守  
溫紹原  
大小百戰

血書乞援

李守誠  
羅玉斌  
馮明本  
葉楨

陳玉成陷六合。運使溫紹原等死之。先是陳玉成入鄂州。長江重城。望風瓦解。溫紹原募鄉兵守之。六合以孤城歸存。大小百戰。屢破賊。保六年之久。及揚州陷。官軍不復顧六合。賊伺之。大隊俄來圍城。紹原激勵士卒。誓以死守。嚙指草血書。告勝保乞援不至。時張國樑復揚州。引兵援六合。遇賊于陳板橋。不能進。賊急穴地崩城。蟻附而登。紹原視事不可為。携妻子投水而殉。先是紹原以功擢運使。仍留防六合。代其職者為李守誠。亦縊堂。總兵羅玉斌。知縣馮明本。典史葉楨。都司

王家幹  
夏定邦  
余城恩  
海從龍

王家幹。夏定邦。守備余城恩。千總海從龍。皆巷戰而死。

張德勝

欽差大臣勝保。降李昭壽。取天長城。

賞降賊

勝保破三河集賊。天長賊復據馬家壩。乃遣副將張德勝破之。進攻天長。先有捻匪魁李昭壽納款。至是果為內應。夾擊破賊。遂復縣城。勝保奏捷。奉旨昭壽補參將。更名世忠。嗣後有反正者。命立功自贖。能克復城池者。施恩以昭獎勵。新城安仁賊。

新城捷

為楚軍所破。前後斃者二萬人。江境賊殆盡。

周觀銘  
溧水捷  
李若琳

總兵張玉良。提督張國樑。擊石達開。大破之。

周觀銘

石達開援金陵。陷溧水。知縣周觀銘督戰陣亡。和

溧水捷

春遣張玉良擊江藍埠。斬千餘人。衆勝圍溧水。雲梯登城。立拔之。賊潰走。陷伏死者又五千人。援賊

李若琳

適來。攻高古山。張國樑親率數十騎。怒馬陷陣。左右衝突。萬衆披靡。手刺黃衣酋。殪之。李若琳亦戰

克。殲六千人。

浙江布政使李續賓。與陳玉成戰。三家集死之。

李續賓殉節

李續賓將楚軍破黃安。勦皖城。會曾國藩於蘄州。遂復太湖潛山。進突三河集。斬數千人。會陳玉成自六合率大隊來。李世賢又自廬州來會。衆合十

劉神山  
彭友勝  
胡廷槐  
鄒玉堂  
杜廷光

必死報國

萬連營于金牛鎮白石山。烽火亘數十里。諸將避銳退守桐城。李續賓獨奮曰。軍事有進無退。戰死吾分也。飛檄召援軍。而賊已雲集。天適大霧。官軍戰敗。副將劉神山。參將彭友勝。游擊胡廷槐。鄒玉堂。杜廷光等。先後戰死。衆勸續賓退圖再舉。續賓曰。軍興九年。皆以退走損國威。長寇志。吾當縱橫血戰。殺一賊。則為國除一害。且吾大小數百戰。每出不望生還。今日必死報國。不欲從死者。退為計。將士皆曰。願從死。及暮賊攻益急。續賓開壁馳突。斬數百人。及夜揔兵李續燾。副將彭壽祥所營。賊

李續燾  
彭壽祥

曾國華等  
九人殉

復四十餘城

反擣虛入。奪其營。決河堤。斷官軍去路。壽祥等戰敗。續賓知事不可為。從容具衣冠。望闕叩首。取所奉廷寄硃批。奏摺焚之。曰。不可使宸翰辱賊手。乃躍馬貫陣。力戰死之。同知曾國華。知府何忠駿。知州王揆一。同知董容方。知縣楊德閻。九品李續藝。張溥萬。皆殉焉。道員孫守信。與丁銳義。激勸士卒。守中右營。至十二日。遂陷。俱死之。是役文武官弁。死者數百人。兵勇數千人。而中營為最多。續賓崛起田間。以平賊自任。能以少擊衆。大小數百戰。克復四十餘城。未嘗挫衄。節令嚴明。所至百姓懽迎。

荆橋十捷

耕市不變。死之日。兩湖江皖士民巷哭如失。父母。副都統多隆阿。與賊戰。荆橋破之。

花涼楓香捷

三河之敗。為東征一大變。遠近震動。潛太復陷。多隆阿勦黃泥賊。與數萬人。戰荆橋。十合十勝。斬六千人。軍勢復振。楚將唐道訓等。亦有南陽河之捷。嗣後破花涼亭楓香驛賊。殺一萬三千餘人。浦城順昌。為浙軍所復。陽陵太平賊。亦受皖軍之勦。而敗竄。

薛賊降

未已

九年。薛三元。以江浦城降。薛三元請獻城贖罪。和春遣李世忠受降。掩其不

復江浦

意。疾戰斬千餘人。先是賊中知三元之友。正相攻於內。會世忠至圍始解。三元雉髮降。未幾復叛。世忠執誅之。

蕭啟江

總兵蕭啟江。與賊戰於賢女埔。破之。

楚軍戰

賊伺贛州。屯新城墟。蕭啟江奉曾國藩之命。援贛。至賢女埔。偵知賊有八萬眾。乃伏兵諸隘。誘賊。賊果出戰。伏兵起。谷樹楚軍幟。賊驚以為神。棄壘走。追斬無算。連城龍岩賊。為福建軍所破。江皖之軍。亦復黃池務源。

提督張國祿。總兵李若琳。與賊戰浦口。破之。

浦口捷

皖北悍賊。合黃池。敗賊。勢復振。眾不下八萬。屯烏衣鎮。圖為六合援。張國樞遣李若琳。由黃山迎勦賊。又連九洑洲賊。直突浦口。國樞自率大軍。截賊為數段。若琳時克黃山而還。遂過浦口。乃與國樞夾擊。殪三千人。江楚軍亦拔南安府。

廬州陷

陳玉成陷廬州。前布政使李孟群。生員吳毓衡死之。陳玉成由六安來侵。李孟群擊卻之。玉成復率大隊來戰。副將鄧清。知縣李孟筌兩營忽陷。乘勢破中營。孟群持矛屹立。勦聲罵賊。手及悍賊三人死之。其父按察使李卿毅。曩殉湖北。父子雙忠。世壯

李卿毅  
李孟群

吳毓衡

之。先是合肥生員吳毓衡。慨然以澄清為己任。首倡團練。一戰殲魁賊。州縣倚任之。毓衡益慨奮。每臨陣所向皆靡。方廬城陷。勢成孤立。玉成素銜之。傾眾環匝其寨。毓衡撫勉諸勇。曉以大義。眾感奮誓死不去。賊圍攻旬月。糧竭援絕。毓衡知不可為。推牛饗士。令皆醉。謂眾曰。此我報國之日也。馳入賊軍。當者皆斃。又下血戰。經時。僅餘親兵十餘人。體無完膚。毓衡下馬。北向再拜曰。臣力竭矣。自以戈陷胸死。

推牛饗士

毓衡死節

石達開入湖南。總兵劉培元等敗績。



駱秉章  
左京堂  
左宗棠  
蕭翰慶

石達開久與洪秀全隔絕。擁眾已至十餘萬。欲據險自雄。乃入湖南。破總兵劉培元彭定泰。陷桂陽。興甯宜章。巡撫駱秉章與邑紳左京堂左宗棠傳檄諸郡。一月得軍四萬。時賊犯新田。官文恐賊突長沙。復遣諸將先入鄂受方略。道員劉長佑勦永州賊破之。

劉長佑  
魏喻義  
余星金

賊犯郴州。進伺衡州。魏喻義率鄉勇迎擊。斬千餘人。賊改道由甯遠。侵永州。時劉長佑回兵未授。深入力戰。斬七千人。遂解其圍。副將余星元別破郴州賊。別賊在泅洲者。江南軍破之。據景德浮梁者

郭沛霖  
周佩濂  
周汝諮  
周炳濂

小池捷

号六十万

者曾國荃破之。玉成再伺盱眙皆敗。遂走滁城。陳玉成陷定遠。前淮揚道員郭沛霖知縣周佩濂死之。

陳玉成糾合捻匪。圍定遠。郭沛霖周佩濂屢戰却之。賊復驅大隊疾攻。城遂陷。沛霖殉之。佩濂巷戰。受數十創。猶揮刀斬數賊而死。周汝諮周炳濂等從死者十餘人。

巡撫胡林翼與陳玉成戰小池驛。大破之。石達開犯湖南。攻寶慶。眾號六十萬。胡林翼命李續宜往援。破賊解圍。總督官文定四路會勦之策。

四路會勦

曾國藩循江下。多隆阿攻潛山。李續宜出松城。林翼向英山。會陳玉成率數十萬來抗。勢甚張。多隆阿悉力拒戰。而賊日益至。圍鮑超數重。聲息不通。林翼使金國琛以八千人踰潛山。冒大雪。衷賊軍而陣。賊望見大懼。曾國藩亦自宿松分兵來援。林翼督之。與玉成戰小池驛。大破之。遂復潛山太湖。副將李世忠與陳玉成戰。滁洲破之。

李世忠

陳玉成率敢死攻永安。犯滁洲。李世忠偵賊已驕。挑戰佯敗。精銳四伏不動。賊以為怯。及賊退。世忠遣兵環謀賊營。嘗之。賊不以為意。砲聲斷續。張

火箭

虛勢。及夜忽寂然。世忠知火藥已竭。乃鼓噪驟進。蹕厲迅發。火箭燒營。賊大駭。世忠乘勢掩殺。破二十八壘。滁圍遂解。江南軍亦平六合天長。知府李續宜總兵劉長佑等破石達開。

金國琛

趙道煥  
田興恕

石達開慶寶敗後。尚據東南路。諸軍會勦。大戰賀家坳。李續宜金國琛先登陷陣。斬胡德孝等數百人。其龍安鞏橋賊。趙道煥田興恕破之。斬黃玄英等五百人。劉長佑追賊至白倉。達開張黃蓋指揮迎戰。副將胡福發躍馬衝突。諸軍乘之。殺千餘人。湖省肅清。同時信豐賊入廣東惠紹者。亦為官軍

胡福發

所破。

洪秀全犯清壩。營官張德勝迎戰，斬吳汝孝。

張得勝斬  
吳賊  
格洪額

洪秀全不得逞，志于盱眙。來犯清壩營。營官張德勝格洪額，併力迎拒。吳汝孝素以驍悍稱，自鎮江逸至皖北，大肆荼毒。德勝久疾之，適視其立陣，策馬揮槍刺之，斬其首懸鞍。賊殊死來奪，皆為官軍所殲。石牌賊亦為楚軍所破，斃者數千人。

石達開犯桂林不克，遂陷慶遠府。

曹澍鍾

廣西自洪秀全竄免，兵者殆十年。達開屢遇懲創，無可竊據，乃來廣西。圍桂林，巡撫曹澍鍾固守，投

蕭益澧

劉長佑

刺火箭焚壘。劉長佑由湘營，蕭益澧自柳州，皆來援。破賊解圍，賊南走。復攻慶遠，陷之。時皖軍復懷遠。

江南軍數敗于六合浦口，既而克江浦。韋志俊以池州降，古隆賢來寇，復陷之。

韋賊降

池州再陷

彭玉麟駐安慶，韋志俊請投誠獻城，玉麟允之。自往受降，池州遂平。時志俊使古隆賢攻蕪湖，隆賢反引賊來寇，志俊破之，而軍心中變，城遂陷。

侍郎曾國藩會師于鄂州。

江西堡障

曾國藩已解閩浙圍，駐軍建昌，為節度。江西倚以為堡障。時石達開入湖南，擾千餘里，勢欲窺蜀國。

天堂捷

蕃奉命將入蜀。抵鄂州。時達開屢經懲創。蜀已有備。故又緩國藩之行。移屯上巴河。國藩將攻皖。諸將分道征勦。胡林翼往斬黃策應。及國藩會師。軍心益壯。賊之襲天堂者三萬人。官軍迎擊大破之。殺數千人。

庚申

十年。總統張國樑大破賊于九洲。

九洲洲捷

張國樑既破江浦賊。水陸並進。薄浦口。九洲賊出援。國樑奮擊破之。斬千餘人。又焚九洲。殺數千人。

陳玉成引張樂形入寇。副都統多隆阿連戰破之。

結捻匪

磔藍賊

陳玉成結捻匪魁張樂形。由廬州來侵。衆號十萬。多隆阿等力戰破之。殺七千人。賊又來侵。金國琛擊破之。禽藍承宜磔之。參將余際昌克高嶺。斬三千人。太湖賊棄城夜走。多隆阿復破之。拔潛山城。

袁甲三

以袁甲三為欽差大臣。代勝保討賊。復鳳陽臨淮。淮河上下。為捻匪所盤踞。與金陵諸賊互為應援。勝保一挫。軍威不復振。廬州定遠。久淪賊中。詔命勝保赴河南。辦勦匪之事。特以袁甲三為欽差大臣。督皖省軍務。令速殲醜類。甲三督兵克臨淮。取

屢奏大捷

誅二張

廣東鄉勇

哈芬布

取二關

鳳陽屢奏大捷。鄧正明等乞降。而擒首張元龍。乃據臨淮不下。甲三誘之。執而磔之。又獲偽丞相張先等十四人。誅之。皖軍亦平。白鑪橋。楚軍取建德縣。

石達開犯廣東。連山鄉勇等迎戰破之。

石達開自桂郡解圍。遷轉深入廣東。連山鄉勇奮擊破之。賊復犯仁化樂昌始興。皆為鄉勇所破。又擾南雄州。副將哈芬布擊走之。

恭禮國等投誠。總統張國樑取上下關。金陵有上下關七里洲。久為賊所據。九洲洲已敗。

釋脇拯難

杭城陷  
羅遵殿  
王友端

和春張國樑申明大義。解散賊黨。恭禮國謝茂廷相率投降。請攻上下關。為內應。國樑進攻下關。禮國自內起。遂拔之。衆勝取上關。獲百餘礮六十船。釋脇從。拯難民約五千人。時江南軍破江浦。而賊又陷廣德。擒匪掠清江者。為官軍所殺。皖軍克滁州。復全椒。

李秀成陷杭城。巡撫羅遵殿。布政使王友端等死之。是時金陵糧食漸竭。賊酋皆食粥糜。官軍皆以為。且夕可破。而李秀成襲杭州。時守陴兵少。賊掘清波門。城遂陷。滿州兵戰不支。巡撫羅遵殿。布政使

戴熙

瑞昌

滿城

婦女登陴

王玉林  
伏兵民舍

來存

王友端等均殉難。兵部右侍郎戴熙適在城中亦從容死節。官紳殉者極多。將軍瑞昌率滿洲兵守杭。立牙營。謂之滿城。外郭已陷。瑞昌令曰。賊銜我滿人尤甚。金陵之慘可驗也。等一死耳。不如殺賊而死之為愈也。於是婦女悉登陴。守禦相持七日。夜。張玉良聞變。提浙軍馳至。遣謀約瑞昌接應。使守備王玉林攻武林錢唐二門。別伏兵於艮山民舍。玉良聞城中礮聲。知戰已交。自攻艮山門。賊投磚石力拒。伏兵自民舍突出。自樓架板度而登城。斬數十人。艮山門已敗。而瑞昌來存亦破賊。開武

復抗城

何桂清  
五賊幼勇

王有齡  
劉成元  
熊天喜  
田宗興

林門納師。共擊殺數千人。李秀成敗走。遂復省城。皖軍亦拔積溪。再克舒桐。長興亦為江南軍所復。賊圍金壇。兩江總督何桂清等遣諸將連戰破之。時賊聚建平。而李秀成為之魁首。如楊輔清李世賢劉官芳賴文鴻古隆賢皆百戰之勁寇。并力陷建平。輔清又取東壩。世賢拔句容。溧陽秣陵關亦相繼失守。賊又攻金壇甚急。何桂清等與浙江巡撫王有齡遣諸將援之。馬德昭曾秉忠克陽溧埠。劉成元銜枚赴金壇。轉戰皆捷。城圍遂解。熊天喜復廣德。田宗興破分水。建平尋復。

清史紀事本末 卷之五 萬壽聖誕

和張敗績

志驕士離

四賊來援

河不流

欽差大臣和春。總統張國樑。與洪秀全戰。金陵敗績。和春益募壯勇。增築長圍。意謂取金陵。在指顧。將士志驕。及援浙江。在營兵單。軍餉不繼。士始有離心。洪秀全偵之。檄各處賊首來攻。陳玉成據善橋。陳坤書屯高橋。李世賢逼北門。楊輔清伺南門。金陵城外遍地皆賊。而大營勢孤。選鋒精騎。皆從張玉良。援枕未還。張國樑晝夜苦戰。賊勢益熾。會溘雨。浹旬。酷寒如裂。士皆無奮志。一夜諸營火發。全軍悉潰。和春走丹陽。賊追躡太急。王浚熊天喜拒戰皆敗。軍士赴水死者無數。河為之不流。

丹陽陷

狙擊國樑

周天爵

倚如長城

和春死

金陵賊陷丹陽。總統張國樑死之。欽差大臣和春。負傷途卒。諸賊大隊圍丹陽。憚張國樑不敢近。徧築壘。步步結營。竊令點賊。入伏大營。狙國樑出戰。自後砲擊創甚。猶奮勇手刃數賊。躍馬投河而死。國樑初在粵為賊。後率所部降。時皆疑之。廣西巡撫周天爵。知其忠勇。保護甚至。後從向榮。所向無敵。擢提督。統江南軍務。東南倚如長城。及其死。丹陽遂陷。和春突圍而出。賊進迫常州。和春集潰兵迎戰。胸受槍傷。走至滄野。嘔血而死。提督王浚。向戰丹陽。中

王凌

九死。熊天喜馳救。短刀殺賊甚多。又力竭而死。時天長六合之賊勢甚銳。三路來寇。李若琳等力戰卻之。

賊陷蘓州城。巡撫徐有壬死之。

蘓州陷  
徐有壬  
東南財區

蘓省東南財賦之區。以常州為屏蔽。歲輸金數百萬。以充餉。賊先拔常州。蘓兵不滿四千。脆弱不習戰。徐有壬激厲拊循。令張玉良率以守高橋。三戰皆捷。會賊取九龍山。罷高橋而戰。玉良遂敗。賊勢大張。稱數十萬。敗卒震怖。應賊城遂陷。有壬遇害。次子振翼。族弟徐曾庾。妾施氏。幕友鮑鄂。家丁楊

施氏  
徐曾庾  
徐振翼

鮑鄂

安從死。按察使朱鈞投井。教授張鏡淳亦殉。賊取

朱鈞  
張鏡淳  
周沐潤

蘓州。侵掠四近。常熟知縣周沐潤募義徒破之。遂復江陰。賊又入浙江。取嘉興府。

總兵彭玉麟攻樅陽賊破之。

樅陽捷

賊據池州。築堅城于樅陽。彭玉麟以水師破之。斬千餘人。進攻池州。萬勝宗等窮迫降。後察有異志。竟誅之。

誅萬勝宗

巡撫劉長佑擊石達開于慶遠破之。

石達開據慶遠。蔓延滋甚。劉長佑與戰。斬三千人。平樂思恩。以次平定。賊棄慶遠。遠走貴州境。尋犯

慶遠捷



清史稿卷之五 萬壽堂莊

廣順永寧皆為官軍所破。

以待郎曾國藩為兩江總督加尚書。

曾國藩督

兩江

何桂清免

江楚根本

曾國藩未入蜀督兵江皖。是月蕪州失守。總督何桂清坐奪職。以國藩聲威素著。不避艱險。特命為兩江總督。加尚書。據上游。以江楚為根本。以便互進兵。國藩乃調鮑超之七千人。朱品隆之三千人。令待命。並令左宗棠。益募湘勇四營。訓練成軍。以資進剿。

訓練湘勇

道員趙景賢三戰破賊。解湖州及杭州圍。

捷趙景賢三

賊破甯郡廣德直赴湖州。先是趙景賢舉行團練。

瑞春

湖州城守

法。獨任其事。在蕪聞警。馳歸。與湖州守瑞春。圖捍禦。部署既定。賊大至。圍攻。景賢提刀乘陴。誓必死。與江南援軍夾擊。斬數千人。圍三日而解。尋蕪州陷。楊輔清眾十萬來犯。沿城大掠。火光燭天。景賢閉城。意氣自若。會塩運使蕭翰慶。自石埭來。馬躋被害。所部敗散入城。景賢拊而用之。兵力稍厚。時賊已圍五門。景賢血戰數晝夜。斬馘無算。圍始解。

死蕭翰慶敗

杭州解

而杭州城再被圍。景賢率兵馳援。圍始解。而湖州又告急。即回援。則賊已至峴山。副將劉仁福。自平湖潰歸。通款賊中。率廣兵二千。佯為援兵。謀入城。

清史稿卷之五 萬壽堂莊

清史稿卷之五十五 高青堂藏

礮文將

三次解圍之功

周夔全興

應寶時復松江

內應。景賢偵知。陽治具善待。館之于外。陰簡精兵。圍擊殲之。礮仁福于市。竿其首。以示賊。賊為奪氣。解圍遁。詔以景賢三次解圍之功。賞按察使。石達開陷歸化。安順知府周夔。參將全興死之。周夔全興。破賊象鼻嶺。復永甯州。會連升關賊大至。圍歸化。二人力戰死之。直隸同知應寶時。破賊復松江府。賊據松江。伺上海。直隸同知應寶時。率兵圍。乘其不備。直攻南門。礮殺數十人。斬關入。又燹千餘人。奪七十餘船。遂拔齊城。楚南軍亦復。賀縣。浙江軍

江皖軍務歸曾國藩

張芾無効

金壇陷馮子材李淮周天孚向奎

攻餘杭臨安。拔之。以曾國藩為欽差大臣。督江南軍務。曾國藩徵集兵勇。部署峻整。渡江駐軍祁門。以固吳中人心。兼壯徽甯聲勢。特旨為欽差大臣。督江南軍務。副都御史張芾。駐軍徽州。久無成效。召入京。皖南軍務。盡歸國藩。陳玉成陷金壇。知縣李淮。參將周天孚死之。陳玉成圍金壇數月。李淮等請援鎮江。而馮子材來援。途中力戰破賊。金壇路始通。子材急遣副將向奎。統勁旅。星夜馳援。未至。城中力竭失守。淮天

清史稿卷之五十五 萬壽堂藏

江清驥

爭皆戰死。時賊圍上海者。勢極鴟張。按察使江清驥擊卻之。丹陽賊圍北渡者。亦為江南軍所破。賊入徽州者。遂陷府城。

石達開圍鬱林。副將鄔世堂赴援破之。

鬱林田

石達開自興元潰走。尚擁衆數萬。圍鬱林。又使別

榮志

賊攻興安。知縣榮志出戰。而賊自間道入城。蔣顯

蔣顯歎

駁力戰而死。榮志亦傷。適鄔世堂援兵至。力戰破賊。斬數千人。鬱林圍解矣。

以將軍都興阿代李若琳督江北軍務。

都興阿

江北軍務提督李若琳。罹病不能軍。以荊州將軍

京師英佛

都興阿代之。率騎步諸軍。赴揚州。會京師有英佛之警戒嚴。官文請以都興阿助僧格林沁。以修攻戰。並與曾國藩胡林翼。各請提兵入衛。已而英佛就和議。都興阿仍赴江北督軍事。

僧格破英

英佛合兵二萬。駕百艦。直擣北河。僧格林沁率滿

佛

兵。與二國軍戰。河口破之。英人揚休戰旗為紹。竊

分軍襲後夾擊。滿兵竟敗。因揚旗放俘。議休戰。二

國將疑其偽不聽。急攻太沽陷之。滿兵盡失。沿河

之守。於是二國復致使講和。請開天津諸港。贈償

太沽陷

禽英將

金八百萬。兩議遂不成。二國兵向北深入。僧格林沁以滿騎突戰。大破之。禽英將一人。二國兵遂不

帝避熱河

英佛兵入北京。帝避熱河。遂與二國平。

恭親王議和

英佛率精銳萬餘人。萬礮電擊入通州。僧格林沁力戰數次。滿騎多殮於九軍。遂大敗。帝聞大驚。率后妃諸王避熱河。命太弟恭親王留守。時二國兵長驅逼北京。恭王急馳使議和。二國將曰。返俘修盟。期以三日。不得命。則直踰北京。恭王之報逾期不至。二國兵遂入京城。燬圓明園之宮觀。二國復

燒圓明園

償金千二百萬

互市場

與地俄人易礮

翁同書

黃鳴鐸

贈書恭王。請如前約。恭王遂聽之。乃還俘囚。引二國將于禮部廳。修盟書。出償金一千二百萬兩。以與二國。又以牛莊登州臺灣潮州瓊州九江漢江。為互市場。和議始成。二國兵引去。尋割黑龍江北二千七百里之地。與俄羅斯。大購砲礮。以嚴邊海之虞。

陳玉成圍壽州。巡撫翁同書等拒戰卻之。

陳玉成率二十萬人圍壽州。巡撫翁同書登城相地形。豫為戰守之備。及賊至。不能逞志。轉攻北關。城上發礮卻之。副將黃鳴鐸要擊津渡。又夜火攻。

清江雜錄 卷之五 高平堂藏

殺二千餘人。

李秀成陷寧國府。前提督周天受。道員福成死之。

李秀成攻寧國。周天受福成誓以死守。至七十餘

日。糧竭援絕。賊攻益急。城遂陷。二人巷戰而死。天

受之弟天培。上年與賊戰河北而死。其弟天孚亦

死于金壇之敗。兄弟三人先後殉節。詔建祠于原

籍四川。並祀三人。此月嚴州亦陷。副將封九貴戰

沒。江陰復陷。隨復。上海軍亦克金山。楚軍援南陵

者。拔難民數萬。放之。

賊陷餘杭。副都統傑純擊破之。

寧國敗

福成

周天受

周天培

周天孚

祀兄弟三人

封九貴

拔難民

傑純  
復餘杭

林福祥  
阿隆阿

鮑張連捷

賊陷餘杭。傑純擊之。手斬執旗首數人。賊敗走。復

由寶樹進。死戰銳甚。傑純復陷陣。斬黃衣首二人。

賊勢披靡。尸骸徧野。追殺數十里。遂復餘杭。

南雄賊攻安遠。浙江布政使林福祥等擊破之。

南雄州賊攻安遠。連營六十里。勢大張。林福祥與

總兵阿隆阿合勦破賊。焚六十壘。殺二千餘人。

總兵鮑超。道員張運蘭破李秀成。斬吳桂先。

曾國荃駐軍祈門。賊來犯。張運蘭出戰。斬汪懷忠。

徽州賊援休甯。來為犄角。二營兵夾擊。殺千餘人。

李侍賢自浙江。送礮入城。李秀成亦自蕪湖。率數

精忠覽要

卷之五

世

萬善堂藏

斬桂先  
傷秀成

萬人來援。運蘭與鮑超等力戰破賊。追入黔縣復城。次日復大戰於柏莊嶺。斬吳桂先。秀成傷走。賊在壽昌者為浙江軍所破。石達開陷綏寧。知縣吳熊父子死之。又陷東安。知縣趙榮祺父子死之。

綏寧敗

吳熊

吳鏞

馬星恒

安和

趙榮祺

趙燕棠

胡琅笙

周炳勳

石達開擁眾欲由黔入蜀。未果。分黨犯湖南。吳熊與其子鏞典史馬星恒城步知縣安和均殉難。兩城俱陷。賊又圍武岡。道員江忠義屢戰破之。賊轉陷東安。趙榮祺與長子燕棠幕客胡琅笙吏目周炳勳訓導蕭國煦皆死節。兩城既陷之後。江忠義

蕭國煦  
江忠義  
劉宗元

建昌捷

爭湖口

奪長梯

會三路兵進戰破達開。達開走侵青岩。再敗。轉破長寨。同知劉宗元被執。罵賊而死。賊圍建昌。總兵左京堂擊破之。賊入南贛。圍建昌。為左京堂所破。又走陷德興。京棠遣軍破之。復城。而賊轉陷婺源。官軍進戰。斬悍賊百餘人。復城。祇門軍亦復建德。賊攻湖口。兩江總督曾國藩遣將擊破之。賊長驅深入。爭湖口。曾國藩檄諸將赴援。賊又攻彭澤不克。益薄湖口。梯而登。會水師來助戰。斬登者數百人。奪長梯三百。賊夜遁。遂復縣城。

蘆村捷

李秀成伺祇門。犯蘆村。兩江總督曾國藩擊破之。

李秀成伺祇門。曾國藩遣諸將屯蘆村。古隆賢賴

裕新來攻而敗。賊萬餘人。反圖死突。國藩分兵斷

其後。賊又大敗。自此喪膽。不復窺祇門。蘆州軍亦

戰寶山。殺賊二千人。浙江賊犯湖州者。屢挫於趙

景賢。其入浮梁者。左京堂殲之。江山常山。江浙軍

復之。獨江西賊入福建者。遂破汀州。

辛酉十一年。黃文金犯景德鎮。總兵鮑超左京堂迎戰

破之。

黃文金五路來犯。左京堂鮑超分途鏖戰於石門

寶山捷

石門捷

石門捷

會林天福

洋塘。殺千餘人。文金宵遁。超一軍獨進。至彭澤再

戰。殲二千人。遂復建德。會林天福。賊之犯祇門者。

唐義訓擊破之。

副將成大吉。戰松子關。斬擒首龔瞎子。

陳玉成與擒匪魁龔瞎子。率五萬人。攻松子關。成

大吉兵僅二千五百人。大吉激勵士卒。一可抵百。

正酣戰間。使別隊從山左截路。擊斬龔瞎子。賊衆

驚潰陷谷。大吉迫擊。殲四千人。次日賊欲為瞎子

復仇。五路來寇。大吉奮戰。又破之。

陳玉成陷黃蘄二州。

成大吉再捷

斬龔瞎子

黃鵠陷

陳玉成率十萬衆犯霍山營破副將余際昌襲取黃州又陷蘄州別分數萬人入孝感雲夢取德安隨州勢極猖獗

青華街克

總兵左京堂擊李侍賢于青華街大破之

朱品隆

賊陷徽州據休甯城曾國藩使朱品隆等攻破之遂拔城李侍賢又陷婺源據青華街左京堂擊之斬二千餘人賊猶死戰不退京堂出奇兵大破之衆勝進而城中別賊出犯樂平京堂追扼於柳家街接戰大勝而援賊又至京堂返旆復戰破之祈門兵亦破歷口賊遂越嶺而逃

何長治

邑紳何長治沈維城破賊青浦禽徐太湖

沈維城

自常熟昭文以團練有功諸城邑紳皆勤修堵禦

方聚興

賊亦畏之守備方聚興破賊蘓州邑紳何長治沈維城許子蘭會義民連戰禽徐太湖進至嘉定而城賊出援沈維城獨奮身越濠殺賊甚衆力竭而死黃渡安亭賊各設偽局盡為邑紳所毀戮其偽官胡銀龍劉蘭升鄉團激義忿齊心殺賊所保全實多楚軍亦復雲夢應城等處而乍浦平湖反陷賊

義民破賊

常江義民與李侍賢戰大溪破之



李侍賢連陷常山江山二縣。義民團聚。與賊戰于大溪灘。破之。立復二縣。而遂安壽昌蘭溪。又陷于賊。

總兵左京堂與李侍賢戰樂平。大破之。

樂平克

李侍賢由翻陽湖犯范家村。左京堂時參曾國藩軍務。率兵勇擊敗三千人。京堂以景德陷。拔營赴樂平。侍賢來攻。連壘至十餘里。京堂開門奮戰。縱橫盪決。殪五千人。侍賢易服遁去。

總兵彭超成大吉。與陳玉成戰集賢關。破之。

陳玉成屯集賢關。勢漸振。曾國藩遣鮑超。胡林翼

集賢五捷

遣成大吉。并力會剿。五戰五捷。玉成又築壘菱湖。與安慶賊接應。曾國荃亦遣水師破之。玉成浮水僅免。再鼓餘衆入德安隨州。拔兩城。將軍多隆阿與賊戰揚州。破之。

巴棟阿

賊犯揚州。多隆阿迎戰破之。斬數千人。別賊襲鎮江者。將軍巴棟阿破之。據汀州者。福建軍取之。上海軍殺嘉興賊二千。又破平湖乍浦賊。

曾紹霖

李秀成破副將余際昌。追犯大冶。游擊曾紹霖迎戰破之。

李秀成率八萬人入寇。其窺興國者。破余際昌。進

清史稿卷之五  
高宗皇帝

至大治。游擊曾紹霖迎擊破之。  
總兵鮑超成大吉。擊赤岡賊破之。

吳亮才

鮑超成大吉。專攻集賢關外赤岡嶺不利。乃環濠立礮臺數十座。晝夜輪攻。賊糧盡勢窮。超遣守備吳亮才入壘招降。賊多投順。獨第一壘賊夜突圍而走。適河水暴漲阻渡。超等蹙擊。斬四千人。

安慶克

浙江巡撫曾國荃與吳定才戰安慶大破之。先是曾國荃竭力作長濠以圍安慶。賊懼乞降者相踵。獨菱湖吳定才不屈。率悍賊來犯。諸軍環擊斬五千人於北岸。其克南岸者斬千餘人。長興縉

江長貴

雲賊。浙江軍平之。蕪賊犯上海者亦敗而還。福建按察使張運蘭等破賊復徽州。曾國藩自旂門移營東流。皖南賊窺旂門者提督江長貴破之于西武嶺。張運蘭等亦克黟縣嶺外。援賊至者亦敗還。徽州賊亦望風而潰。運蘭遂復府城。

破李賊

太常卿左宗棠與李侍賢戰桐樹嶺破之。左宗棠一軍追李侍賢直至廣信府。賊走入翻陽。宗棠抵景德。賊聞而宵遁。宗棠追戰桐樹嶺破之。遂復景德。

清史稿卷之五  
高宗皇帝

清史稿 卷之五 萬壽堂

復武昌

總兵彭玉麟。道員蔣凝學。破李秀成。復武昌城。李秀成連陷武昌等七州縣。彭玉麟蔣凝學等會勦。立復武昌通城。成大吉何紹彩。由保安進破賊。大冶興國通山賊。棄城赴義甯。義甯亦為湘軍所復。

左宗棠捷

太常卿左宗棠。與賴裕新。戰新建破之。曾國藩以婺源界江皖浙三省之衝。尤為扼要。命左宗棠分兵移屯。宗棠已克建德。乃移婺源。而賴裕新之二萬人來犯。據新建。宗棠進戰破之。斬千餘人。

李元度 易咸臨 羅寅

舒保破陳賊

總兵李元度。與李秀成。戰瑞州破之。李秀成陷新昌。以瑞州為老營。官文使李元度。乘取義甯之勢。進圍瑞州。元度馳馬隊。襲破之。復新昌。又合軍攻瑞州。都司易咸臨羅寅。先登復城。副都統舒保。破賊於德安城。陳玉成分兵守孝感德安。以牽制官軍。圖窺荆襄。官文命水陸諸軍。節次嚴勦。先取孝感。使舒保等攻德安。賊嚴防不下。乃築長圍以困之。賊六千冒死突出不勝。又出六千。衝軍後而敗。官軍四合。架雲梯。一鼓奮登。開門納師。擊殺三千餘人。

清史稿

卷之五

四三

萬壽堂

陳玉成揚輔清犯太湖。總兵胡裕發拒戰破之。賊又來寇。都統多隆阿擊破之。

賊十餘萬

胡裕發

陳玉成安慶敗後。與揚輔清合。號稱十餘萬。直犯太湖。官文胡林翼檄諸將赴太湖拒戰。賊數萬依山。為長蛇勢。亘二十余里。屢下挑戰。諸軍不為動。

太湖圍解

譚仁芳

夜大雨。賊兵潮進。胡裕發等力拒。飛礮隨兩落。殺千餘人。太湖圍始解。賊又欲納桐城之眾。以解安慶圍。多隆阿堵勦馬鞍山。而別賊自桐城至。參將譚仁芳破之。追抵城。城賊出戰。多隆阿擊破之。玉成輔清皆走。多隆阿又統攻其後。再破之。斬黃賊

李賊敗 百里營

亦遇楚軍之勦而敗。總兵鮑超與李秀成戰豐城破之。

李秀成出瑞州。由臨江渡河據豐城。連營百里。軍聲大張。曾國藩令鮑超進勦。賊造浮梁過河列陣。與官軍抵抗。超分兵四路奮迅齊擊破之。斬八千人。

浙江巡撫曾國荃大破陳玉成。復安慶城。

安慶捷 淪陷九年

安慶省城淪陷九年。城賊不下四萬。曾國荃統領全師銳意圍之。陳玉成自來接。多隆阿破之。絕餉道。國荃益專力攻圍。破其北門。而賊自外益至。旌

奮戰達旦

陳賊走

桐城捷  
七省要道

旗林立。光照天。賊屢出不利。遂傾巢突出。國荃奮戰達旦。斬三千人。賊鋒大挫。嗣後賊更番迭攻。官軍亦輪班應之。賊每戰不得志。由湖中送糧城中。為官軍所奪。國荃益發地雷陷城。賊逸南門者。多溺江。由西東北者。水師環擊破之。殺一萬六千人。玉成褫魄而走。曾國藩亦遣將取池州。巡撫曾國荃都統多隆阿與陳玉成楊輔清戰桐城破之。將軍穆圖善力戰拔桐城。桐城為七省要道。安慶咽喉。城堅而高。賊負隅待援。陳玉成擁眾數萬。來往于集賢關。曾國荃恐其

吉林黑龍  
騎兵  
穆圖善

河口捷

與桐城合。相機進剿。殲三千人。多隆阿亦以吉林黑龍騎兵擊玉成輔清走之。穆圖善與諸將圍桐城。填濠架梯。奮呼登城。斬千餘人。玉成遁蠟樹窠。多隆阿遣諸將追剿。又殺千餘人。宿松黃梅廣濟之戰。賊皆連敗。諸城盡復。楚軍亦拔黃州。斬四千人。總兵鮑超援撫州。與李秀成戰河口。大破之。李秀成攻撫州。鮑超赴援。破之河口。平七十壘。乘勝追賊至鉛山。一鼓拔之。江西肅清。李侍賢陷嚴州府餘杭城。

羅大春道

吳澄傷

李侍賢圍嚴州兩月。遂破南門。副將羅大春被傷而遁。城遂陷。賊又攻餘杭。知縣吳澄督團勇固守。眾寡不敵亦陷。賊乘勝陷連山諸暨紹興。兩江總督曾國藩遣將破陳玉成。巡撫胡林翼援皖城卒于軍。

集賢捷  
冒裝官幟

磔劉賊

陳玉成破鶴山。取官軍旗幟冒裝。馳入黃隨陷之。胡林翼以為賊意在解皖圍。皖圍解則大勢全去。墮賊計必矣。乃定策遣李續賓回援。而賊圍皖益急。又赴安慶約城賊夾擊。精悍悉聚。國藩亦從南岸遣將破集賢關。斬數千人。禽劉瑋琳而磔之。援

胡林翼卒  
需才喻

賊由桐城來者。又為多隆阿所破。蓋安慶為金陵屏障。久陷賊中。陳玉成據為巢窟。室家在焉。故援之甚銳。而桐懷太潛之官軍不動。驍悍為之被殲。城中糧盡。勢大蹙。適南岸賊復由武甯內犯。與國省城甚危。林翼病。嘔血。憊甚。猶率師回援。而皖圍終不解。唯南岸賊望風走。而官軍遂克安慶。國藩以林翼力主圍皖之議。推其首功。詔加太子太保。桐城廬舒。以次克復。孝感德安亦隨平。而林翼病劇。卒于武昌節署。林翼性聰敏。幹實。事至立斷。無留難。嘗曰。國之需才。猶魚之需水。鳥之需林。人

必爭之路

之需氣。草木之需土。得之則生。不得則死。才者無求於天下。天下當自求之。故其所薦。不盡相識也。巡撫曾國荃破賊。取無為州。無為州居皖北形勝。控金陵。引蕪湖。為賊必爭之路。故屯泥汊口。阻官軍。曾國荃督水師勦之。見其壘居高難仰攻。自扼揚家橋。斷歸路。賊果大懼。夜走無為州。國荃追抵城下。先是國荃禽馬玉棠之孥。諭玉棠令獻城。自効而謀泄。賊拘玉棠。兩黨相攻于內。國荃衆之疾攻。斬二千餘人。賊據東關者。楚軍破之。而處州復陷于賊。

敗相攻

隨州捷

用降賊

劉岳昭

曾國藩兼制浙江

杭州陷 瑞昌王有齡殉難

賊圍隨州。欽差大臣官文遣將破之。隨州遺孽。連豫州捻匪。犯襄陽。副都統舒保攻之未拔。官文使降賊劉維楨。馳抵隨州。假用陳玉成偽書。誘令出城。而設伏四路。賊信偽書。由西南門齊出。劉岳昭等由東北門入。殺萬餘人。以兩江總督曾國藩兼掌浙江軍務。時賊勢猖獗。浙江全省為之糜爛。故有是命。自巡撫提督以下。均受其節制。李秀成陷杭州。將軍瑞昌。巡撫王有齡等死之。諸省攻勦劇急。重城連復。金陵勢蹙。洪秀全懼甚。

張錫庚  
饒廷選  
文瑞  
莊文煥  
繼興

朱品隆  
楊賊傷

令李秀成李侍賢分路侵擾。以分官軍兵力。秀成進拔浙江諸郡。直攻杭州。張玉良由上游來援。王有齡嬰城嚴防。賊營鳳凰山。以俯瞰城中。玉良力攻。中砲死。頃之城中糧竭。堅守兩月而遂陷。有齡自縊於署。越四日。駐防滿城亦陷。瑞昌殉難。前後死節者。學政張錫庚。浙江提督饒廷選。處州總兵文瑞。鹽運使莊文煥等。皆其著者也。

揚輔清圍徽州。總兵朱品隆赴援破之。楊輔清犯徽州。總兵張運桂堅守待援。曾國藩遣朱品隆往援。諸軍合攻破之。輔清受傷逃。值大雪。

潘曾瑋

龐鐘瑤  
英佛會勦

舉李鴻章

鄒卣膏

會防局

不能追。皖軍亦復六合天長。

賊逼上海。刑部郎中潘曾瑋入朝。定洋兵會勦之議。自蘓州失守。避難者四集上海。賊氛甚惡。欽差大臣龐鐘瑤招潰兵募壯勇。又勸諭英佛各國會勦。雖頗有擒斬。勢遂不可支。鐘瑤聞曾國藩軍威太盛。因遣使乞援。會帝軫念東南。博求將帥。國藩上疏。舉李鴻章。乃令率師進援。時賊又陷浦東。上海知縣鄒卣膏赴援軍敗。於是官紳集議。請立會防局。潘曾瑋航海入京。謁議政王軍機大臣。定洋兵會勦之議而還。



崩立

帝崩太子載淳即位。

清史攬要卷五

萬善堂

清史攬要卷五終

48-12802

010190529890

